



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

Ո Ր Ո Շ ՈՒ Մ

վարչական տույժ նշանակելու մասին որոշմամբ նշանակված
տուգանքի չափը փոփոխելու վերաբերյալ

«12» նոյեմբերի 2021թ.

ք. Երևան

Հայաստանի Հանրապետության պետական եկամուտների կոմիտեի նախագահի տեղակալ Ծովինար Սողոմոնյանս, իհՀ քաղաքացի Մոհամմադ Խաջեհալիզադեհի 09.11.2021թ. դիմումի հիման վրա վերադասության կարգով վերանայելով ՀՀ ՊԵԿ իրավաբանական վարչության պետի կողմից 2021թ. հոկտեմբերի 11-ին կայացված «Վարչական տույժ նշանակելու մասին» թիվ 296 որոշումը,

Պ Ա Ր Զ Ե Ց Ի

2021 թվականի օգոստոսի 11-ին ՀՀ մաքսանենգության դեմ պայքարի վարչության աշխատակիցները զննության են ենթարկել իհՀ-ից ՀՀ ժամանած իհՀ քաղաքացի Մոհամմադ Խաջեհալիզադեհի կողմից շահագործվող «Howo» մակնիշի 17AA979/80 հաշվառման համարանիշի բեռնատար ավտոմեքենան, ինչի արդյունքում նշված բեռնատարի կցորդի ետնամասի, կցորդի պաշարների համար նախատեսված խցիկի հատակի հատվածում՝ սովարաթղթից պատրաստված կեղծ հատակից և բեռնատարի պահեստային անվադողից հայտնաբերել են մաքսային հսկողությունից թաքցված ՀՀ մաքսային սահմանով տեղափոխված 100 տուփ «COBRA NANO WHITE», 210 տուփ «COBRA NANO BLACK» և 100 տուփ «WEST FUSION BLACK» գրառումներով ընդհանուր թվով 410 տուփ ծխախոտ:

ՀՀ «Փորձագիտական կենտրոն» ՊՈԱԿ-ին փորձաքննության է ներկայացվել ծխախոտի յուրաքանչյուր տեսակից 1-ական բլոկ, յուրաքանչյուր բլոկում 10 տուփ, ընդհանուր 3 բլոկ (30 տուփ): Փորձագետի 06.09.2021թ. թիվ 16432110

եզրակացության համաձայն՝ փորձաքննության ներկայացված 3 բլոկ (30 տուփ) ծխախոտի շուկայական արժեքը 2021 թվականի օգոստոսի 11-ի դրությամբ կարող էր կազմել ընդհանուր՝ 10500 ՀՀ դրամ («COBRA NANO WHITE» անվամբ ծխախոտի 1 բլոկը (10 տուփը)՝ 3500 ՀՀ դրամ, «COBRA NANO BLACK»՝ 3500 ՀՀ դրամ և «WEST FUSION BLACK» ծխախոտին՝ 3500 ՀՀ դրամ):

ՀՀ ՊԵԿ մաքսային հսկողության վարչության 25.09.2021թ. թիվ Ն/8-1/171427-2021 գրության համաձայն՝ 06.09.2021թ. թիվ 16432110 եզրակացությունում նկարագրված ծխախոտների մաքսային արժեքը 2021 թվականի օգոստոսի 11-ի դրությամբ կկազմի ընդհանուր՝ 2520000 ՀՀ դրամ:

Իրականացված վարչական վարույթի արդյունքում ՀՀ ՊԵԿ իրավաբանական վարչության պետի կողմից 11.10.2021 թվականին կայացվել է «Վարչական տույժ նշանակելու մասին» թիվ 296 որոշումը, որի համաձայն՝ ԻԻՀ քաղաքացի Մոհամմադ Խաջեհալիզադեհը ճանաչվել է զանցառու ՀՀ մաքսային օրենսգրքի 201-րդ հոդվածով և տուգանվել թաքցնելով ՀՀ մաքսային սահմանով տեղափոխված ծխախոտի մաքսային արժեքի չափով՝ 2520000 ՀՀ դրամ:

09.11.2021 թվականին Մոհամմադ Խաջեհալիզադեհը դիմում է ներկայացրել ՀՀ ՊԵԿ՝ խնդրելով վերանայել 11.10.2021թ. թիվ 296 որոշումը, քանի որ իր կողմից ներմուծված ծխախոտի քանակը կազմել է 41 բլոկ՝ 410 տուփ, սակայն տուգանքը նշանակվել է 410 բլոկ ծխախոտի մաքսային արժեքի չափով:

«Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի 1-ին մասի համաձայն՝ վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները:

ՀՀ ՊԵԿ իրավաբանական վարչության կողմից 11.11.2021թ. թիվ Ն/11-7/204135-2021 գրությամբ լրացուցիչ հարցում է կատարվել ՀՀ ՊԵԿ մաքսային հսկողության վարչություն՝ փորձագետի 17192110 եզրակացության «Հետազոտություն» բաժնում նկարագրված 3 բլոկ (30 տուփ) ծխախոտի մաքսային արժեքը պարզելու նպատակով:

ՀՀ ՊԵԿ մաքսային հսկողության վարչությունից 11.11.2021թ. ստացված թիվ Ն/8-1/204756-2021 գրության համաձայն՝ փորձագետի եզրակացության



«Հետազոտություն» բաժնում նկարագրված «COBRA NANO BLACK» և «COBRA NANO WHITE» տեսակի 20 տուփ (2 բլոկ) ծխախոտի մաքսային արժեքը 11.08.2021թ. դրությամբ կկազմի 7000 ՀՀ դրամ, «WEST FASION BLACK» տեսակի 10 տուփ (1 բլոկ) ծխախոտի մաքսային արժեքը՝ 3500 ՀՀ դրամ:

Սույն գործում առկա նյութերի ուսումնասիրությունից պարզվում է, որ Մոհամմադ Խաջեհալիզադեհի կողմից ներմուծված 410 տուփ ծխախոտի մաքսային արժեքը ՀՀ ՊԵԿ մաքսային հսկողության վարչության գրության հիման վրա հաշվարկելիս 11.08.2021թ. դրությամբ կկազմի 143500 ՀՀ դրամ (1 տուփի արժեքը՝ 350 ՀՀ դրամ):

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

Ելնելով վերոգրյալից և ղեկավարվելով ՀՀ մաքսային օրենսգրքի 223 հոդվածի 1-ին մասի «դ» կետով՝

Ո Ր Ո Շ Ե Ց Ի

1. ՀՀ ՊԵԿ իրավաբանական վարչության պետի 11.10.2021 թվականի «Վարչական տույժ նշանակելու մասին» թիվ 296 որոշմամբ նշանակված տուգանքի չափը փոփոխել՝ սահմանելով 143500 ՀՀ դրամ (410*350):
2. Որոշման մասին հայտնել Մոհամմադ Խաջեհալիզադեհին:
3. Որոշումը երկամսյա ժամկետում օրենքով սահմանված կարգով կարող է բողոքարկվել Հայաստանի Հանրապետության վարչական դատարան:

ԾՈՎԻՆԱՐ ՍՈՂՈՄՈՆՅԱՆ


???????? ????
Nov 16 2021 9:59 PM

